

Medlem og varamedlem i Eidfjord fellesråd for eldre og menneske med nedsett funksjonsevne

Arkivsakid-doknr: 20/175-47
Journalpostid: 23/1871

Saksh: Heidi Herstad Prestegård
Telefon: 53 67 35 37

Arkivkode: K1-033
Dato: 21.02.2023

Møtebok 21.02.23

Tid: Kl. 10.00 – 12.00.

Stad: Møterom i 2. etg. på kommunehuset.

Frå fellesrådet møte: Marete Sæbø, Sigrid Bu, Johanna Håbrekke, Magnar Røise, Harald Næss, Frode Eriksen og Ole-Johnny Odland.

Frå administrasjonen møte: Magnus Steigedal (rådmann) og Heidi Herstad Prestegård (møtesekretær).

Til å skriva under møtebok: Marete Sæbø (leiar) og Harald Næss (nestleiar).

Sak 86 – Godkjenning av møtebok

Møteboka frå førre møte, 29.11.22, vert godkjend.

Sak 87 – Møteplan fyrste halvår 2023

Komande møte i fellesrådet vert 25. april og 6. juni.

Sak 88 – Orienteringar og spørsmål v/rådmann Magnus Steigedal

Rådmannen presenterer seg for fellesrådet. Hans viktigaste rolle som rådmann er å forvalta kommunestyret sine vedtak etter gjeldande lover og regelverk.

Rådmannen informerer om tilbakemelding frå statsforvalteren etter tilsynssak, og at det inntil vidare vil verta stopp i all ny tilknytning til VA-nettet i Sysendalen. Administrasjonen vonar å koma fram til ei løysing ilag med statsforvaltaren, som kan fungera mellombels før det nye reinseanlegget er på plass.

Han nemner elles det å ta vare på alle delar av kommunen vår, rekruttering og bevaring av folketalet som viktige fokusområde framover.

Sak 89 – Eldrevaktmeistertenesta

Det finst lite informasjon når det gjeld både eldrevaktmeistertenesta og heimehjelpstenesta i kommunen. Målet må vera at dei som har behov for desse tenestene kan finna informasjon, samt å søkja om dei, på enklast mogeleg vis.

Leiar for heimebaserte tenester og eldrevaktmeister kunne ikkje stilla i dagens møte likevel, og vert difor inviterte til eit nytt møte i mars. Møtesekretær organiserer og kallar inn til dette ekstramøtet.

Leiar i fellesrådet har, grunna forfalla, invitert Reidar Gjøtterud til handsaming av saka, for å orientera om frivilligsentralen i Eidfjord kommune. Gjøtterud er styremedlem der. Han fortel at dei tidlegare fekk oppdrag via sekretæren på bygdaheimen, som mottok henvendingane. Dette vert ikkje praktisert lenger, og det er soleis fleire år sidan frivilligsentralen var aktiv. Rådmannen tek dette vidare.

Sak 90 – Eidfjord Bygdaservice AS

I dette høvet vart Eidfjord Bygdaservice AS v/Adrian Telle Hus og Hans Olav Læg Reid inviterte til å orientera fellesrådet om si verksemd.

Sak 91 – Søknad om midlar til Sparebankstiftinga Hardanger

Leiar ber medlem i fellesrådet om å koma med framlegg til aktivitetsapparat det skal søkast midlar til. Søknadsfristen er 31. mars, og framlegga må difor vera klare til ekstramøtet som skal vera i mars.

Sak 92 – Vegen vidare

Fellesrådet ynskjer å få oversiktlege og gode heimebaserte tenester til innbyggjarane, samt ein aktiv frivilligsentral.

Sak 93 – Ymse

- Reidar Gjøtterud informerer om Evjo aktivitetssenter, og om aktivitetane der. Han inviterer både rådmann og fellesrådet på besøk, gjerne for å halda møtet sitt der.
- Leiar vil ha eventuelle tilbakemeldingar frå medlem i fellesrådet vedkomande saklista før møtet, for å kunna vera best mogeleg førebudd.
- Det er eit ynskje om å motta innkalling 2 veker før møta i fellesrådet.
- Framlegg om at betre skilting for gang- og sykkelvegen ved bygdaheimen mot Evjo bustadfelt må på plass, då det ved fleire høve har køyrd bilar på denne vegen.

Leiar

Nestleiar

Med venleg helsing
Eidfjord kommune

Heidi Herstad Prestegård
Sakshandsamar

Kopi til arkiv og kopibok